

佛說無量壽經

下

八十五
乃二

47330
6



元祿九年丙子三月日重脩

皇圖玳瑁 帝徽銀呂

佛日增輝 懋參輪常轉

山城州天安寺法金剛院置



佛說無量壽經卷下

曹魏康僧鎧譯

乃

佛告阿難其有衆生生彼國者皆悉住於正定之聚所以者何彼佛國中無諸邪聚及不定聚十方恒沙諸佛如來皆共讚歎無量壽佛威神功德不可思議諸有衆生聞其名号信心歡喜乃至一念至心迴向願生彼國即得往生住不退轉唯除五逆誹謗正法佛告阿難十方世界諸天人民其有至心願生彼國凡有三輩其上輩者捨家棄欲而作沙門發菩提心一向專念無量壽佛修諸功德願生彼國此等衆生臨壽終時無量壽佛與諸

大衆現其人前即隨彼佛往生其國便於七
寶華中自然化生住不退轉智慧勇猛神通
自在是故阿難其有衆生欲於今世見無量
壽佛應發無上菩提之心修行功德願生彼
國佛告阿難其中輩者十方世界諸天人
其有至心願生彼國雖不能行作沙門大
修功德當發無上菩提之心一向專念無量
壽佛多少修善奉持齋戒起立塔像飯食沙
門懸繒然燈散華燒香以此迴向願生彼國
其人臨終無量壽佛化現其身光明相好具
如真佛與諸大衆現其人前即隨化佛往生
其國住不退轉功德智慧次如上輩者也佛告

阿難其下輩者十方世界諸天人民其有至
心欲生彼國假使不能作諸功德當發無上
菩提之心一向專意乃至十念念無量壽佛
願生其國若聞深生歡喜信樂不生疑惑乃
至一念念於彼佛以至誠心願生其國此人
臨終夢見彼佛亦得往生功德智慧次如中

輩者也佛告阿難無量壽佛威神無極十方
世界無量無邊不可思議諸佛如來莫不稱
歎於彼東方恒河沙佛國無量無數諸菩薩
衆皆悉往詣無量壽佛所恭敬供養及諸菩
薩聲聞之衆聽受經法宣布道化南西北方
四維上下亦復如是爾時世尊而說頌曰

東方諸佛國

其數如恒沙

彼土菩薩衆

往觀無量覺

南西北四維

上下亦復然

彼土菩薩衆

往觀無量覺

一切諸菩薩

各賚天妙華

寶香無價衣

供養無量覺

咸然奏天樂

暢發和雅音

歌歎最勝尊

供養無量覺

究達神通慧

遊入深法門

具足功德藏

妙智無等倫

慧日朗世間

消除生死雲

恭敬遶三币

誓首無上尊

見彼嚴淨土

微妙難思議

因發無量心

願我國亦然

應時無量尊

動容發欣笑

口出無數光

遍照十方國

迴光圍遶身

三币從頂入

一切天人衆

踊躍皆歡喜

於士觀世音

整服整誓首問

白佛何緣笑

唯然願說意

梵聲猶雷震

八音暢妙響

當授菩薩記

今說仁諦聽

十方來正士

吾悉知彼願

志求嚴淨土

受汝當作佛

覺了一切法

猶如夢幻響

滿足諸妙願

必成如是刹

知法如電影

究竟菩薩道

具諸功德本

受汝當作佛

通達諸法性

一切空無我

專求淨佛土

必成如是刹

諸佛告菩薩

今觀安養佛

聞法樂受行

疾得清淨處

至彼嚴淨國

便速得神通

必於無量尊

受記成等覺

其佛本願力

聞名欲往生

皆悉到彼國

自致不退轉

菩薩興至願

名顯達十方

恭敬歡喜去

不得聞此經

曾更見世尊

踊躍大歡喜

宿世見諸佛

莫能究聖心

如來智慧海

唯佛獨明了

淨慧知本空

盡壽猶不知

願已國無異

奉事億如來

還到安養國

清淨有戒者

則能信此事

憍慢弊懈怠

樂聽如是教

譬如從生盲

深廣無崖底

假使一切人

億劫思佛智

佛慧無邊際

普念度一切

飛化遍諸刹

若人無善本

乃獲聞正法

謙敬聞奉行

難以信此法

聲聞或菩薩

欲行開導人

二乘非所測

具足皆得道

窮力極誦說

如是致清淨

壽命甚難得

佛世亦難值

人有信慧難

若聞精進求

聞法能不忘

見敬得大慶

則我善親友

是故當發意

設滿世界火

必過要聞法

會當成佛道

廣度生死流

佛告阿難彼國菩薩皆當究竟一生補處除

其本願為衆生故以弘誓功德而自莊嚴普

欲度脫一切衆生阿難彼佛國中諸聲聞衆

身光一尋菩薩光明照百由旬有二菩薩最

尊第一威神光明普照三千大千世界阿難

白佛彼二菩薩其号云何佛言一名觀世音

二名大勢至此二菩薩於是國土修菩薩行

命終轉化生彼佛國阿難其有衆生生彼國

者皆悉具足三十二相智慧成滿深入諸法
究暢要妙神通無礙諸根明利其鈍根者成
就二忍其利根者得不可計無生法忍又彼
菩薩乃至成佛不受惡趣神通自在常識宿
命除生他方五濁惡世示現同彼如我國也
佛語阿難彼國菩薩承佛威神一食之頃往
詣十方無量世界恭敬供養諸佛世尊隨心
所念華香伎樂衣蓋幢幡無數無量供養之
具自然化生應念即至珍妙殊特非世所有
輒以奉散諸佛及諸菩薩聲聞之衆在虛空
中化成華蓋光色昱爍香氣普熏其華周圍
四百里者如是轉倍乃覆三千大千世界隨

其前後以次化沒其諸菩薩僉然欣悅於虛
空中共奏天樂以微妙音歌歎佛德聽受經
法歎喜無量供養佛已未食之前忽然輕舉
還其本國佛語阿難無量壽佛為諸聲聞菩
薩天人頌宣法時都悉集會七寶講堂廣宣
道教演暢妙法莫不歡喜心解得道即時四
方自然風起吹七寶樹出五音聲無量妙華
隨風四散自然供養如是不絕一切諸天皆
賚天上百千華香萬種伎樂供養其佛及諸
菩薩聲聞之眾普散華香奏諸音樂前後來
往更相關避當斯之時熙怡快樂不可勝言
佛語阿難生彼佛國諸菩薩等所可講說常

宣正法隨順智慧無違無失於其國土所有
萬物無我所心無染著心去來進止情無所
係隨意自在無所適莫無彼無我無競無訟
於諸衆生得大慈悲饒益之心柔潤調伏無
忿恨心離蓋清淨無猷怠心等心勝心深心
定心愛法樂法喜法之心滅諸煩惱離惡趣
心究竟一切菩薩所行具足成就無量功德
得深禪定諸通明慧遊志七覺修心佛法肉
眼清徹靡不分了天眼通達無量無限法眼
觀察究竟諸道慧眼見真能度彼岸佛眼具
足覺了法性以無礙智爲人演說等觀三界
空無所有志求佛法具諸辯才除滅衆生煩

惱之患從如來生解法如如善知習滅音聲
方便不欣世語樂在正論修諸善本志崇佛
道知一切法皆悉寂滅生身煩惱二餘俱盡
聞甚深法心不疑懼常能修行其大悲者深
遠微妙靡不覆載究竟一乘至于彼岸決斷
疑網慧由心出於佛教法該羅無外智慧如
大海三昧如山王慧光明淨超喻日月清白
之法具足圓滿猶如雪山照諸功德等一淨
故猶如大地淨穢好惡無異心故猶如淨水
洗除塵勞諸垢染故猶如火王燒滅一切煩
惱薪故猶如大風行諸世界無障礙故猶如
虛空於一切有無所著故猶如蓮華於諸世

問無染汙故猶如大乘運載羣萌出生死故
猶如重雲振大法雷覺未覺故猶如大雨雨
甘露法潤衆生故如金剛山衆魔外道不能
動故如梵天王於諸善法最上首故如尼拘
類樹普覆一切故如優曇鉢華希有難遇故
如金翅鳥威伏外道故如衆遊禽無所藏積
如猶如牛王無能勝故猶如象王善調伏故
如師子王無所畏故曠若虛空大慈等故摧
滅嫉心不要勝故專樂求法心無厭足常欲
廣說志無疲倦擊法鼓建法幢曜慧日除癡
闇修六和敬常行法施志勇精進心不退弱
為世燈明最勝福田常為師導等無憎愛唯

樂正道無餘欣戚拔諸欲刺以安群生功慧殊勝莫不尊敬滅三垢障遊諸神通因力緣力意力願力方便之力常力善力定力慧力多聞之力施戒忍辱精進禪定智慧之力正念止觀諸通明力如法調伏諸衆生力如是手力一切具足身色相好功德辯才具足莊

嚴無與等者恭敬供養無量諸佛常為諸佛所共稱歎究竟菩薩諸波羅蜜修空無相無願三昧不生不滅諸三昧門遠離聲聞緣覺之地阿難彼諸菩薩成就如是無量功德我但為汝略言之耳若廣說者百千萬劫不能窮盡佛告彌勒菩薩諸天人等無量壽國聲

聞菩薩功德智慧不可稱說又其國土微妙
安樂清淨若此何不力爲善念道之自然者
於無上下洞達無邊際宜各勤精進努力自
求之必得超絕去往生安樂國橫截五惡道
惡道自然閉昇道無窮極易往而無人其國
不迂違自然之所牽何不棄世事勤行求道
德可得極長生壽樂無有極然世人薄俗共
諍不急之事於此劇惡極苦之中勤身營務
以自給濟無尊無卑無貧無富少長男女共
憂錢財有無同然憂思適等并營愁苦累念
積慮爲心走使無有安時有田憂田有宅憂
宅牛馬六畜奴婢錢財衣食什物履去憂之

重思累息憂念愁怖橫爲非常水火盜賊怨
家債主焚漂劫奪消散磨滅憂毒忙忙無有
解時結憤心中不離憂惱心堅意固適無縱
捨或坐摧碎身亡命終棄捐之去莫誰隨者
尊貴豪富亦有斯患憂懼萬端勤苦若此結
衆寒熱與痛共居貧窮下劣困乏常無無田
亦憂欲有田無宅亦憂欲有宅無牛馬六畜
奴婢錢財衣食什物亦憂欲有之適有一復
少一有是少是思有齊等適欲具有便復糜
散如是憂苦當復求索不能時得思想無益
身心俱勞坐起不安憂念相隨勤苦若此亦
結衆寒熱與痛共居或時坐之終身人命不

肯為善行道進德壽終身死當獨遠去有所
趣向善惡之道莫能知者世間人民父子兄
弟夫婦家室中外親屬當相敬愛無相憎嫉
有無相通無得貪惜言色常和莫相違戾或
時心諍有所恚怒今世恨意微相憎嫉後世
轉劇至成大怨所以者何世間之事更相患
害雖不即時應急想破然含毒畜怒結憤精
神自然剋識不得相離皆當對生更相報復
人在世間愛欲之中獨生獨死獨去獨來當
行至趣苦樂之地身自當之無有代者善惡
變化殃福異處宿豫嚴待當獨趣入遠到他
所莫能見者善惡自然追行所生窈窈冥冥

別離久長道路不同會見無期甚難甚難復
得相值何不棄衆事各曼強健時努力勤修
善精進願度世可得極長生如何不求道安
所須待欲何樂乎如是世人不信作善得善
爲道得道不信人死更生惠施得福善惡之
事都不信之謂之不然終無有是但坐此故
且自見之更相瞻視先後同然轉相承受父
餘教令先人祖父素不爲善不識道德身愚
神闇心塞意閑死生之趣善惡之道自不能
見無有語者吉凶禍福競各作之無一恠也
生死常道轉相嗣立或父哭子或子哭父兄
弟夫婦更相哭泣顛倒上下無常根本皆當

過去不可常保。教語開導，信之者少。是以生死流轉，無有休止。如此之人，蒙冥揜突，不信經法，心無遠慮，各欲快意癡惑，愛欲不達於道德，迷沒於瞋怒，會狼於財色，坐之不得道。當更惡趣，苦生死無窮已。哀哉！甚可傷。或時室家父子兄弟夫婦一死，一生更相哀愍，恩愛思慕，憂念結縛，心意痛著，迭相願戀。窮日卒歲，無有解已。教語道德，心不開明，思想恩好不離情，欲昏蒙闇塞，愚惑所覆，不能深思。熟計心自端正，專精行道，決斷世事，便旋至竟。年壽終盡，不能得道，無可奈何。搃猥憤擾，皆貪愛欲惑道者。衆悟之者少，世間忿忿無

可聊賴尊卑上下貧富貴賤勤苦忿務各懷
殺毒惡氣窈冥爲忘興事違逆天地不從人
心自然非惡先隨與之恣聽所爲待其罪極
其壽未終盡便頓奪之下入惡道累世勤苦
展轉其中數千億劫無有出期痛不可言甚
可哀愍佛告弥勒菩薩諸天人等我今語汝
世間之事人用是故坐不得道當熟思計遠
離衆惡擇其善者勤而行之愛欲榮華不可
常保皆當別離無可樂者曼佛在世當勤精
進其有至願生安樂國者可得智慧明達功
德殊勝勿得隨心所欲戲負經戒在人後也
儻有疑意不解經者可具問佛當爲說之弥

勒菩薩長跪白言佛威神尊重所說快善聽
佛經語貫心思之世人實亦如佛所言今佛
慈愍顯示大道耳目開明長得度脫聞佛所
說莫不歡喜諸天人蠕動之類皆蒙慈恩
解脫憂苦佛語教戒甚深甚善智慧明見八
方上下去來今事莫不究暢今我衆等所以
蒙得度脫皆佛前世求道之時謙苦所致恩
德普覆福祿巍巍光明徹照達空無極開入
泥洹教授曲攬威制消化感動十方無窮無
極佛爲法王尊超衆聖普爲一切天人之師
隨心所願皆今得道今得值佛復聞無量壽
聲靡不歡喜心得開明佛告弥勒汝言是也

若有慈敬於佛者實為大善天下久久乃復
有佛今我於此世作佛演說經法宣布道教
斷諸疑網拔愛欲之本杜衆惡之源遊步三
界無所罣礙礙典攬智慧衆道之要執持綱維
昭然分明開示五趣度未度者決正生死泥
洹之道彌勒當知汝從無數劫來修菩薩行
欲度衆生其已久遠從汝得道至于泥洹不
可稱數汝及十方諸天人民一切四衆永劫
已來展轉五道憂畏勤苦不可具言乃至今
世生死不絕與佛相值聽受經法又復得聞
無量壽佛快哉甚善吾助尔喜汝今亦可自
厭生死老病痛苦惡露不淨無可樂者宜自

佛
佛
決斷端身正行益作諸善修已潔體洗除心
垢言行忠信表裏相應人能自度轉相拯濟
精明求願積累善本雖一世勤苦須臾之間
後生無量壽國快樂無極長與道德合明永
拔生死根本無復貪恚愚癡苦惱之患欲壽
一劫百劫千億萬劫自在隨意皆可得之無
爲自然次於泥洹之道汝等宜各精進求心
所願無得疑惑中悔自爲過咎生彼邊地七
寶宮殿五百歲中受諸厄也弥勒白言受佛
重誨專精修學如教奉行不敢有疑佛告弥
勒汝等能於此世端心正意不作衆惡甚爲
至德十方世界最無倫匹所以者何諸佛國

土天人之類自然作善不大為惡易可開化
今我於此世間作佛處於五惡五痛五燒之
中為最劇苦教化群生令捨五惡令去五痛
令離五燒降化其意令持五善獲其福德度
世長壽泥洹之道佛言何等五惡何等五痛
何等五燒何等消化五惡令持五善獲其福

德度世長壽泥洹之道其佛言一惡者諸天人民

蠕動之類欲為衆惡莫不皆然強者伏弱轉

相剋賊殘害殺戮迭相吞噬不知修善惡逆

無道後受殃罰自然趣向神明記識犯者不

赦故有貧窮下賤乞白孤獨龍盲瘖瘂愚癡

弊惡至有尪狂不逮之屬又有尊貴豪富高

才明達皆由宿世慈孝修善積德所致世有
常道王法牢獄不肯畏慎爲惡入罪受其殃
罰求望解脫難得勉出世間有此目前現事
壽終後世尤深尤劇入其幽冥轉生受身譬
如王法痛苦極形故有自然三塗無量苦惱
轉賀其身改形易道所受壽命或長或短鬼神
精識自然趣之當獨值向相從共生更相報
復無有止已殃惡未盡不得相離展轉其中
無有出期難得解脫痛不可言天地之間自
然有是雖不即時卒暴應至善惡之道會當歸
之是爲一大惡一痛一燒勤苦如是譬如大火焚
燒人身人能於中一心制意端身正行獨作諸

善不爲衆惡者身獨度脫獲其福德度世上天
泥洹之道是爲一大善也佛言其二惡者世間
人民父子兄弟室家夫婦都無義理不順法
度奢淫憍縱各欲快意任心自恣更相欺惑
心口各異言念無實佞諂不忠巧言諭媚嫉
賢謗善陷入怨狂主上不明任用曰下曰下
自在機僞多端踐度能行知其形勢在位不
正爲其所欺妄損忠良不當天心曰欺其君
子欺其父兄弟夫婦中外知識更相欺誑各
懷貪欲瞋恚愚癡欲自厚已欲貪多有尊卑
上下心俱同然破家亡身不顧前後親屬內
外坐之滅族或時室家知識鄉黨市里愚民

野人轉共從事更相利害忿成怨結富有慳
惜不肯施與愛保貪重心勞身苦如是至竟
無所恃怙獨來獨去無一隨者善惡禍福追
命所生或在樂處或入苦毒然後乃悔當復
何及世間人民心愚少智見善憎謗不思慕
及但欲爲惡妄作非法常懷盜心希望他利
消散磨盡而復求索邪心不正懼人有色不
豫思計事至乃悔今世現有王法牢獄隨罪
趣向受其殃罰因其前世不信道德不修善
本今復爲惡天神剋識別其名藉壽終神逝
下入惡道故有自然三塗無量苦惱展轉其
中世世累劫無有出期難得解脫痛不可言

是爲二大惡。二痛。二燒。勤苦如是。譬如大火。焚燒人身。人能於中一心制意。端身正行。獨作諸善。不爲衆惡者。身獨度脫。獲其福德。度世上天。泥洹之道。是爲二大善也。佛言。其三惡者。世間人民。相因寄生。共居天地之間。處年壽命無能幾何。上有賢明長者。尊貴豪富。下有貧窮斯賤。尪劣愚夫。中有不善之人。常懷邪惡。但念姪佚。煩滿胸中。愛欲交亂。坐起不安。貪意守惜。但欲唐得。眇眇細色。邪態外逸。自妻馱憎。私妄出入。費損家財。事爲非法。交結聚會。興師相伐。攻劫殺戮。強奪無道。惡心在外。不自修業。盜竊趣得。欲擊成事。恐勢

迫脅歸給妻子恣心快意極身作樂或於親屬不避尊卑家室中外患而苦之亦復不畏王法禁令如是之惡者於人鬼日月照見神明記識故有自然三塗無量苦惱展轉其中世世累劫無有出期難得解脫痛不可言是為三大惡三痛三燒勤苦如是譬如大火焚

燒人身人能於中一心制意端身正行獨作諸善不為衆惡者身獨度脫獲其福德度世上天泥洹之道是為三大善也佛言其四惡者世間人民不念修善轉相教令共為衆惡兩舌惡口妄言綺語讒賊鬪亂憎嫉善人敗壞賢明於傍快喜不孝二親輕慢師長朋友

無信難得誠實尊貴自大謂己有道橫行威
勢侵易於人不能自知為惡無耻自以強健
欲人敬難不畏天地神明日月不肯作善難
可降化自用偃蹇謂可常尔無所憂懼常懷
憍慢如是眾惡天神記識賴其前世頗作福
德小善扶接營護助之今世為惡福德盡滅
諸善鬼神各去離之身獨空立無所復依壽
命終盡諸惡所歸自然迫切共趣頓乏又其
名籍記在神明殃咎牽引當往趣向罪報自
然無從捨離但得前行入於火鑊身心摧碎
精神痛苦當斯之時悔復何及天道問然不
得蹉跎故有自然三塗無量苦惱展轉其中

世世累劫無有出期難得解脫痛不可言是
為四大惡四痛四燒懃苦如是譬如大火焚
燒人身人能於中一心制意端身正行獨作
諸善不為眾惡身獨度脫獲其福德度世上
天泥洹之道是為四大善也佛言其五惡者
世間人民徒倚懈惰不肯作善治身修業家
室眷屬飢寒困苦父母教誨瞋目怒應言今
不和違戾反逆譬如怨家不如無子取與無
節眾共患馱負恩違義無有報償之心貧窮
困乏不能復得辜較縱奪放恣遊散串數唐
得用自振給耽酒嗜美飲食無度肆心蕩逸
曾屬槩突不識人情強欲抑制見人有善憎

嫉惡之無義無禮無所顧難自用識當不可
諫曉六親眷屬所資有無不能憂念不惟父
母之恩不存師友之義心常念惡口常言惡
身常行惡曾無一善不信先聖諸佛經法不
信行道可得度世不信死後神明更生不信
作善得善為惡得惡欲殺真人闖亂衆僧欲
害父母兄弟眷屬六親憎惡願令其死如是
世人心意俱然愚癡蒙昧而自以智慧不知
生所從來死所趣向不仁不順惡逆天地而
於其中恡望僥倖欲求長生會當歸死慈心
教誨令其念善開示生死善惡之趣自然有
是而不肯信之苦心與語無益其人心中閉

塞意不開解大命將終悔懼交至不豫修善
臨窮方悔悔之於後將何及乎天地之間五
道分明恢廓窈冥浩浩茫茫善惡報應禍福
相承身自當之無誰代者數之自然應期所
行殃咎追命無得縱捨善人行善從樂入樂
從明入明惡人行惡從苦入苦從冥入冥誰
能知者獨佛知耳教語開示信用者少生死
不休惡道不絕如是世人難可具盡故有自
然三塗無量苦惱展轉其中世世累劫無有
出期難得解脫痛不可言是爲五大惡五痛
五燒勤苦如是譬如火火焚燒人身人能於
中一心制意端身正念言行相副所作至誠

所語如語心口不轉獨作諸善不為衆惡身
獨度脫獲其福德度世上天泥洹之道是為
五大善也佛告弥勒吾語汝等是世五惡勤
苦若此五痛五燒展轉相生但作衆惡不修
善本皆悉自然入諸惡趣或其今世先被殃
病求死不得求生不得罪惡所招示衆見之
身死隨行入三惡道苦毒無量自相焦然至
其久後共作怨結從小微起遂成大惡皆由
貪著財色不能施惠癡欲所迫隨心思想煩
惱結縛無有解已厚已諍利無所省錄富貴
榮華當時快意不能忍辱不務修善威勢無
幾隨以磨滅身坐勞苦久後大劇天道施張

自然糾舉綱紀羅網上下相應熒熒忪忪當
入其中古今有是痛哉可傷佛語弥勒世間
如是佛皆哀之以威神力摧滅衆惡悉令就
善棄捐所思奉持經戒受行道法無所違失
終得度世泥洹之道佛言汝今諸天人及
後世人得佛經語當熟思之能於其中端心
正行主上為善率化其下轉相勅令各自端
守尊聖敬善仁慈博愛佛語教誨無敢虧負
當求度世拔斷生死衆惡之本當離三塗無
量憂怖苦痛之道汝等於足廣殖德本布恩
施惠勿犯道禁忍辱精進一心智慧轉相教
化為德立善正心正意齋戒清淨一日一夜

勝在無量壽國爲善百歲所以者何彼佛國
土無爲自然皆積衆善無毛髮之惡於此修
善十日十夜勝於他方諸佛國中爲善千歲
所以者何他方佛國爲善者多爲惡者少福
德自然無造惡之地唯此間多惡無有自然
勤苦求欲轉相欺殆心勞形困飲苦食毒如
是惡務未嘗寧息吾哀汝等天人之類苦心
誨喻教令修善隨宜開道授與經法莫不承
用在意所願皆令得道佛所遊履國邑丘聚
靡不蒙化天下和順日月清明風雨以時災
厲不起國豐民安兵戈無用崇德興仁務修
禮讓佛言我哀愍汝等諸天人民甚於父母

念子今我於此世作佛降化五惡消除五痛
絕滅五燒以善攻惡拔生死之苦令獲五德
升無爲之安吾去世後經道漸滅人民諂僞
復爲衆惡五燒五痛還如前法久後轉劇不
可悉說我但爲汝略言之耳佛語弥勒汝等
各善思之轉相教誡如佛經法無得犯也於
是弥勒菩薩合掌白言佛所說甚善世人實
介如來普慈哀愍悉令度脫受佛重誨不敢
違失佛告阿難汝起更整衣服合掌恭敬禮
無量壽佛十方國土諸佛如來常共稱揚讚
歎彼佛無著無礙於是阿難起整衣服正身
西面恭敬合掌五體投地禮無量壽佛白言

世尊願見彼佛安樂國土及諸菩薩聲聞大
衆說是語已即時無量壽佛放大光明普照
一切諸佛世界金剛圍山須彌山王大小諸
山一切所有皆同一色譬如劫水彌滿世界
其中萬物沉沒不現滉瀆浩汗唯見大水彼
佛光明亦復如是聲聞菩薩一切光明皆悉
隱蔽唯見佛光明耀顯赫今時阿難即見無
量壽佛威德巍巍如須彌山王高出一切諸
世界上相好光明靡不照耀此會四衆一時
悉見彼見此土亦復如是今時佛告阿難及
慈氏菩薩汝見彼國從地已上至淨居天其
中所有微妙嚴淨自然之物爲悉見不阿難

對曰唯然已見汝寧復聞無量壽佛大音宣
布一切世界化衆生不阿難對曰唯然已聞
彼國人民乘百千由旬七寶宮殿無所鄣礙
遍至十方供養諸佛汝復見不對曰已見彼
國人民有胎生者汝復見不對曰已見其胎
生者所處宮殿或百由旬或五百由旬各於
其中受諸快樂如忉利天上亦皆自然余時
慈氏菩薩白佛言世尊何因何緣彼國人民
胎生化生佛告慈氏若有衆生以疑惑心修
諸功德願生彼國不了佛智不思議智不可
稱智大乘廣智無等無倫最上勝智於此諸
智疑惑不信然猶信罪福修習善本願生其

國此諸衆生生彼宮殿壽五百歲常不見佛
不聞經法不見菩薩聲聞聖衆是故於彼國
土謂之胎生若有衆生明信佛智乃至勝智
作諸功德信心迴向此諸衆生於七寶華中
自然化生跏趺而坐須臾之頃身相光明智
慧功德如諸菩薩具足成就復次慈氏他方
諸大菩薩發心欲見無量壽佛恭敬供養及
諸菩薩聲聞聖衆彼菩薩等命終得生無量
壽國於七寶華中自然化生彌勒當知彼化生者智慧勝
故其胎生皆無智慧於五百歲中常不見佛不聞經法不見菩
薩諸聲聞衆無由供養於佛不知菩薩法式不得修習
功德當知此人宿世之時無有智慧疑惑所

致佛告彌勒譬如轉輪聖王有七寶牢獄種種莊嚴張設牀帳懸諸繒幡若有諸小王子得罪於王輒內彼獄中繫以金鎖供養飯食衣服牀蓐華香伎樂如轉輪王無所乏少於意云何此諸王子寧樂彼處不對曰不也但種種方便求諸大力欲自勉出佛告彌勒此諸衆生亦復如是以疑惑佛智故生彼七寶宮殿無有形罰乃至一念惡事但於五百歲中不見三寶不得供養修諸善本以此爲苦雖有餘樂猶不樂彼處若此衆生識其本罪深自悔憤求離彼處即得如意往詣無量壽所恭敬供養亦得遍至無量無數諸餘佛所

修諸功德。彌勒當知其有菩薩。生疑惑者。爲失大利。是故應當明信諸佛。無上智慧。彌勒菩薩白佛言。世尊。於此世界。有幾所不退菩薩。生彼佛國。佛告彌勒。於此世界。六十七億不退菩薩。往生彼國。一一菩薩。已曾供養無數諸佛。次如彌勒者也。諸小行菩薩。及修習少功德者。不可稱計。皆當往生。佛告彌勒。不但我刹。諸菩薩等。往生彼國。他方佛土。亦復如是。其第一佛名曰遠照。彼有百八十億菩薩。皆當往生。其第二佛名曰寶藏。彼有九十億菩薩。皆當往生。其第三佛名曰無量音。彼有二百二十億菩薩。皆當往生。其第四佛名

曰甘露味彼有二百五十億菩薩皆當往生
其第五佛名曰龍勝彼有十四億菩薩皆當
往生其第六佛名曰勝力彼有萬四千菩薩
皆當往生其第七佛名曰師子彼有五百菩
薩皆當往生其第八佛名曰離垢光彼有八
十億菩薩皆當往生其第九佛名曰德首彼
有六十億菩薩皆當往生其第十佛名曰妙
德山彼有六十億菩薩皆當往生其第十一
佛名曰人王彼有十億菩薩皆當往生其第
十二佛名曰無上華彼有無數不可稱計諸
菩薩衆皆不退轉智慧勇猛已曾供養無量
諸佛於七日中即能攝取百千億劫大士所

修堅固之法。斯等菩薩皆當往生。其第十三
佛名曰無畏。彼有七百九十億大菩薩眾。諸
小菩薩及比丘等不可稱計。皆當往生。佛語
彌勒。不但此十四佛國中諸菩薩等當往生
也。十方世界無量佛國。其往生者亦復如是。
甚多無數。我但說十方諸佛名号及菩薩比
丘。生彼國者。晝夜一劫。尚未能盡。我今為汝
略說之耳。佛告彌勒。其有得聞彼佛名号。歡
喜踊躍。乃至一念。當知此人為得大利。則是
具足無上功德。是故彌勒。設有大火。充滿三
千大千世界。要當過此。聞是經法。歡喜信樂。
受持讀誦。如說修行。所以者何。多有菩薩欲

聞此經而不能得若有衆生聞此經者於無
上道終不退轉是故應當專心信受持誦說
行吾今為諸衆生說此經法令見無量壽佛
及其國土一切所有所當為者皆可求之無
得以我滅度之後復生疑惑當來之世經道
滅盡我以慈悲哀愍特留此經止住百歲其
有衆生值斯經者隨意所願皆可得度佛語
彌勒如來興世難值難見諸佛經道難得難
聞菩薩勝法諸波羅蜜得聞亦難遇善知識
聞法能行此亦為難若聞斯經信樂受持難
中之難無過此難是故我法如是作如是說
如是教應當信順如法修行亦時世尊說此

經法無量衆生皆發無上正覺之心萬二千
那由他人得清淨法眼二十二億諸天人
得阿那含果八十萬比丘漏盡意解四十億
菩薩得不退轉以弘誓功德而自莊嚴於將
來世當成正覺尔時三千大千世界六種震
動大光普照十方國土百千音樂自然而作
無量妙華芬芬而降佛說經已弥勒菩薩及
十方來諸菩薩衆長老阿難諸大聲聞一切
大衆靡不歡喜

無量壽經卷下

測昌丸日下燦上音音藥下音音僉然皆也咸也須宣上音班

熙怡下音和悅兒也適莫上音的也謂也無該羅占

哀金翅下音感倉曆反灑疋苗反糜散上音密

各鼻下音莫官反音嗣音寺也迭徒結反猥烏前反憤

擾煩上音俱也妹反上音作憤問心務反上音紅也擇音宅揀吞噬

下音逝也冠音罔然上音俱也永也蹉跌上音來何反音抑制


力反意窈窈窈非鳥反音美好兒也浩茫上音胡道反音大也


倫已下音殺戮上音音音莞忪上音瓊正作音忙遠也

兵戈下音和反混漾上音胡廣反音下音養憤扶粉松

突底上音眇眇下音力代反音務作也徒倚上思音串古忠反鷹

音音僥倖上音古曉反音胡取反音紕正作音紕音蠱較二音孤角





缺佛說阿彌陀經一卷

